

Ka Nupepa Kuokoa, Volume V, Number 11, 17 March 1866 — No Kalani "Kauikeaouli Kamehameha III." [ARTICLE]

[Back](#)

No Kalani "Kauikeaouli

Kamehameha III."

O hanau a Hua ka lani,
 O hoona ku iluna nei,
 O momoe o maule ka piko,
 O kolokolo ia po ke ewe,
 O mulea o malahia ka nalu, ka, aa,
 O hoona ku o ka malama,
 O kanhe a ka loli,
 O hōowiliwili e hanau kala-ni,
 Oia hoi, o kala-ni, hanau kalani,
 O kala-ni la hoi auanei ko luna nei la,
 Owai la hoi auanei ko lalo na?
 Ai-a, aia hoi ha,
 "Hole Waimea i ka lhe a ka makani,
 Aho i na Ala a ke Kipuupuu,
 He hua kalai ia na ke anu,
 I o o i kanahela o Mahiki,
 Ku aku la i ka malama a ke kipu,
 Puhala ka maka o ka howai o Uli,
 Niniau eha ka pua o Konia,
 Eha i ke anu kanahela o Waika-e,
 E aloha-e.

Aloha waika ia u me ne ipo la-hae,
Mehé ipo la ka maka lena o ke koolau,
Kapu ai ka nabele o Maluleia,
He lei hele no ke ala o Moolau.
Lau ka huakai hele i ka Paliloa,
Helo hihii Pili noho i ka nabele,
O ka noho wale iho no i Kahu-e,
E aloha-e,

O ke aloha kai kipa mai i o'u nei,
Mahea la ia i nalo iho nei-a-hae."

JOHN ADAMS KUAKINI.

O hanau ka Honua a mole ka honua,
O kokolo ke aa ka weli o ka honua,
O lani weli ka honua o lani li,
O holo pu ka mole o uina ke aa,
O hale Knopulewa ka honua,
O Paluuu ka honua akea ka honua,
O honua ku o honua noho ka honua,
O honua lewa o honua paa ka honua,
Ka honua ilalo.-ilalo nuu ka honua,
O honua a "Kea," na kea ka honua,
O honua a "Papa," na Papa ka honua,
O ka hiapo honua a Papa i hanau,
O ka ho-i, o ka honu-a, hanuu ka honua,
O ka honu la hoi auanei ko lalo nei la,
Owai la hoi auanei ko luna la?
Owai la, o ka po, aia-aia hoi ha,
Pala kiohoa i ka ua ka pua koa,
Pua aweawe ula i ka laau,
I ena mai i ke aha kauka huna.

I ka puupuu no i ke Kuābini,
Kahe koko koko iole ka ua i ke kula,
Mala ka ili mala wale o ka ilima,
I ka pōwa haalele ia e ka La,
He oki ua ka hau opu o Kalena,
Kū i ka hono o Lihue newa na pua-e,
E aloha-e,

Aloha ka pua lena o ua Koolau la,
Ka lana wale iho no i Kanoenoe-a hae.
Noenoe leleha ka maka o ke kaunoa,
Polennena ha ilupa o ke kukui,
E uwiki kahi ana oia wale no ia,
Newa ae ka maka oia hoi kekahi,
Ua mapu hae ka hanu i ke kupukupu,
Iho i ke kula hōni mai kai o Ewa,
U ke kupa, o Puuloa he aha nei-e,
E aloha-e.

He aloha moe lawala na ka houpo,
I ke aia wale no hihina e au-e, hae.

Na JOULI KAMENAMENA II.

Mole i pua.

This article has been automatically clipped from the Ka Nupepa Kuokoa 17 March 1866, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).

Ka Nupepa Kuokoa, Volume V, Number 12, 24 March 1866 — No Kalani "Kauikeaouli Kamehameha III." [ARTICLE]

[Back](#)

No Kalani "Kauikeaouli Kamehameha III."

"O hanau ka po ia luna,
 Hanau ka po i luna nei,
 O lani hanee ka po o pinai ke ewe,
 O pipili ka po o moe anaanale'a,
 O kahi ana le'a ka po o mahianale'a,
 O huli e ka po o kaawale ka pili,
 O ke keiki po lani keia a "Kea," i hanau,
 Keiki akahi a ka po keiki alua a ka po,
 Keiki akolu a ka po,
 O ke kuakoko o ka po,
 E hanau mai auanei ka po,
 Oia hoi, o ka Po, hanau ka po,
 O ka po la hoi auanei ko luna nei la,

Owai la hoi auanei ko lalo na,
 Owai la, O ka moku, Ai'a, aia hoi ha,
 "Palaki," ka pua i ka ua pala ka hinano,
 Kahaha ka nahele o koulaui,
 Uli e aku la ke poo o Hahala,
 He mauna ia iluna o Makaolehua,

He mau lehua na ka wai a koloa,
I kanu i ke kai o Piakalae,
Noeo aku la ke kai i ka akani,
Mehe koko pau mano la i ka moae,
Ka ula o ke kai mai "Nae a Hilia"—e,
E aloha—e.

Kai ka hili hewa o ka lima i ka po nei,
Ua kuhi i kuu kahela he moe hewa—a ha'e,
Moe ka makani o lalo ua ahihi,
Kau ka malo o ka Ikiro i ka pohu,
Puhala ka ihu nana i ke kaa,
Kuhelahela i ka malie na kaha,
Waiho kaka ke kula o Kaiolohia
Ka lele maopu i ka wai a ka naulu,
Ka hoo wawa i ka pihe a ka manu he lai—e,
E aloha—e.

"He hoolai maka mawaho he oolea loko,
Ua hele i ka moe a iwiuahi ia—hae—
AUA.

O hanau ka Moku a kupu,
A lau, a loa, a ao, a muo a liko,
Ka moku ia luna o Hawaii,
O Hawaii nei no ka moku,
He Pulewa ka aina he Naka Hawaii,
E lewa wale ana no i ka lani lewa,
Hanoa mai e Wakea pa hano ia,
Malia kea a o ka moku me ka honua,
Paa ia Lawaalani i ka lima akau o Wakea,
Paa Hawaii, a laa Hawaii la ikea he moku,

O ka moku ia hoi auanei kolalo nei ia,
Owai la hoi auanei ko luna, owai la ?
O ke Ao—aia—aia hoi ha."

"Hii Puna i ke keiki puu i ke alo o Moikeha,
I na pae puu hala iluna,
Hele Kalalea iho au ana i kai,
He mau maka ka liu na ka makani,
Ike aku oe ia Ahoaka,
E hemo kahi ana i ke alo o Wailua,
Uu ka pua n ka makani hoolua,
Malua Haupu ke poo o Keolewa—e
E aloha—e.

Aloha wale iho no ia Wailua,
I ka hiolo a ka pua hau i ka wai—a, hae.
Wai Maluaka onio ka laumaia,
Kahuli Kapaa ke alo o Kuahiahi,
Haili ana Puna ia'u me ipo la,
Ka wao aku o ka hau o Palehuna,
O ka waikini aku no ka hoi ia,
Aohe wa ua ike aku no hoi—e,
E aloha—e.

Ua ike o ka maka kai halawai,
A o i pa na lima e meheu ai—a hae."

Na HAUNA.

"O hanau ke Ao, o hiki ae,
O ohi ae ke ao o hiki ae,
O mokupawa ke ao o hiki ae,
O akaula ke ao o hiki ae,
O moakaka ku ke ao mola'e,
O



O opukupuku ke ao melemele,
 O memele ka " opua " he la—i,
 O oponiuli ka opua hiwahiwa,
 O hiwahiwa ka opua lani ele,
 Eleele ka lani hu hulu weo,
 Lani ekaaka ha eleele,
 Hakona hakuma hakumakuma,
 O ke ao nui mai hee ua keia,
 E hoowiliwili mai ana e hana-u,
 Oia hoi—o ke Ao—hanau ke ao,
 O ke ao la hoi auanei ko luna nei la,
 Owai la auanei ko lalo la ?
 Owai la—o ka Mauna—aia—Aia hoi ha."

" Hoinainau mea ipo ka nahele,
 Hookokoe ana ka maka i ka moani,
 I ka ike i na pua hoomahie luna,
 Ua hihina wale i Moeawakea,
 Ka inoa ua poina ia Malio,
 Aia ka i pua lei o ha—o,
 I Puna no ka waihona a ka makani,
 Kaele ka malama ana a ka puulena,
 I kahi mea hoalohaloha no—e
 E aloha—e,
 O ke aloha ia e pa waa nei,
 E hou nui ai ka maka ke ike aku—a,
 Hae."

Ike i na lani ua o mahele ana,
 He omaomao ka la kakaia kea,
 He la aiaa nui ia no ka ua,
 Hele awili ke poo o ka lehua,
 Hele...

AKO IHO I ka mauna a pau ke aho,
Hoi ka i-i akama'i a ka malie,
Kohi i kawelewele a ka lai,
O kuu ike wale aku no i ka hala,
Ua hoopapa kai wale i Haena—e,
E aloha—e.

E na ka maka ahia me he puunoa la,
I ka ike i kana mea i loa'i—a—hae.

Na PLOPIO.

“O hanau ka mauna a Kea,
Opuu ae ka mauna a Kea,
O Wakea ke kane, o Papa o Welinuu ka
Hanau Hoohoku he wahine, [wahine,
Hanau Haloa he alii,
Hanau ka mauna he keiki mauna na Kea,
O ka lili o Wakea o ku hai i ka hala.
O ke ku kuku laau ana me Kane,
I hoouka ai i iloko o Kahikiku,
Hee Wakea ka lewa kona ohua,
Kuamu ia e Kane, kuawa ia e Kane,
Hoi mai Wakea a loko o lani momo—e,
Moe Wakea moe ia Papa,
Hanau ka la na Wakea,
He keiki kapu na Wakea,
O ka uluna o Wakea na Kea no,
Hanau ka mauna he makahiapo kapu na Kea,
Oia hoi—o ka mauna—hana ka mauna,
O ka mauna auanei ko lalo nei la,
Owai la auanei ko luna la?
Owai la, o ka La, aia—aia hoi ha.”



“Hoe Puna i ka waa pola loa a ka ino,
 Haukaukai-koo o Kookoolau,
 Eha-e-eha-la-eha i ka makili kui a Kaulu-
 Hala'e ka makawalu ihe a *Ke-a-e*, [mano,
 Ku iho i ka pahu ku a ka awaawa,
 Hanane ke kikala o ko Hilo kini,
 Hoi luulou i ke oe o Hanakahi.
 I ka palolo a ua wahine o ka lua—e,
 E aloha—e.

No ke aloha no ka'u lalau ana,
 Aole au i hewa iho i ke alii—a hae.”

“Nalo ole ka puana o ka moe ua pulelo,
 Kupinai aku la a uka o ka pili,
 Me he mumuhu na ka mumuhu nalopaka la,
 Ka ekeekemu i ka pua o ka laau,
 Maalo hookahi wale iho no au i Hilo—e,
 E aloha—e.

He aloha kahiko no na'u mai lalo mai—a-hae.
 Na HEHENA.

This article has been automatically clipped from the Ka Nupepa Kuokoa 24 March 1866,
 organised into a single column, then optimised for display on your computer screen. As a
 result, it may not look exactly as it did on the original page. The article can be seen in its
 original form in the [page view](#).

Ka Nupepa Kuokoa, Volume V, Number 13, 31 March 1866 — No Kalani "Kauikeaouli Kamehameha III." [ARTICLE]

[Back](#)

Yo Kalani "Kauikeaouli Kamehameha III."

O hana ka La o na'u,
 O hana ka La o Kupayole,
 O Kupayole ka la kohia,
 Ke hana ka La o Hana,
 O ke kuku o ka la paa,
 O ka paa o hifima o hifinehu,
 O ka hana o ke Kamani,
 O ka hana o ke Kamani ula,
 O ka hana o Halulu,
 Ke hana mai la hana,
 Ke hana mai la e ka "La,"
 E ke hana hana la e ka "Kea."
 O Wai hana ka lalo o ka la kai luna,
 O ka hana la a Kea i hookauhua ai,
 O ka hana o ka La-hana ka La,
 O ka hana hana auanei ko luna la,
 O wa hana nei ko lalo nei?
 O wa hana o ka moana-aia, aia hoi ha.
 O hana hana kuhno i ka pohu,
 Mele hana o ka hale loha maikai la,
 Ka pua hana o ka makani,
 E hana hana hana o ka hana o Hana.

O nani nani e ka ihi o ihoia,
Oka ka hana Lahaina i ka malino,
Honi na lono i ka makani pualaa,
He hana na no ke ka Kaalani-e,
E aloha-e.

Aloha aha i ka lau o ka manao,
Aiwaiwa i ka moe ke pa mai-a,"
He.

Pa na hana o ka he Kuawa,
He makemake ekei no i Wailuku,
E like na manao me Kalaiki,
Kaiaiki na hana i ka moe e,
O ka moe na aku la ia i Hopukoa,
Hi hana i ke kula me ka Haakea,
Lona ka hana i ke kaha o Kahuaiki-e,
E aloha-e.

O ka hana Kamehameha e holo,
Aia na hana wa o ka lonoia-a,
He.

O hana ka moana a Kea,
O na hana na Kea, o ke kai na Kea,
O kai kane o kai wahine na Kea,
O koa ka o koa halelo ulu na Kea, hana na
O hana ka hana ka in sloko o ka moana, [La,
Uhu na hana nei lae-o ka moana,
O ka hana la hoi auanei ko lalo nei la,
Owai la hoi auanei ko luna, owai la ?
O ku, o kane, o Kane, o Kanaloa, o Kaekae,
O Maha, o ka haku o ka pule, o nuupule,
O Nuuhou, o elieli holo imua kapu,
O hana hana hana na hana na hana na hana

Hanau " Ku." o ku la hoi auanei ko luna ['lii,
 Owa la hoi auanei ko lalo nei owai la ? [la,
 O Hanau, Paka kanaka laha na 'lii,
 Lona alua nei o Kalani Mehamaha,
 A Eke la ka lani-la-akahi o luna nei,
 O Kalani Kauikaalaneo-la-alua oluna nei,
 Pili hoi ma mau paha-oia paha ?
 O Kalani Noi kua Liholihio akahi,
 I ke kapa la-akahi oluna nei,
 O Kalani Kauikeeouli-la alua o luna nei,
 Pili hoi ma mau paha oia paha."

Ma keia wahi e na makamaka, akahi no a
 lona pono ia kakou, kahi o keia mele i kau
 iai ka mea o ka mea nona keia la hanau,
 ma ke mele i kapaia, " O hanau a Hua."
 Oia hoi o " Kapa Puna i ka wahine Ihihi
 ka ma," a mabope aku nei la, e hoike aku
 no ko oukou " Olohe," i ka la a me ka ma-
 hioa, a me ni mea a pau, e pili ana no ka
 hanau nei o ia " Ieio papa la."

This article has been automatically clipped from the Ka Nupepa Kuokoa 31 March 1866,
 organised into a single column, then optimised for display on your computer screen. As a
 result, it may not look exactly as it did on the original page. The article can be seen in its
 original form in the [page view](#).

Ka Nupepa Kuokoa, Volume V, Number 14, 7 April 1866 — No Kalani "Kauikeaouli Kamehameha III." [ARTICLE]

[Back](#)

No Kalani 'Kauikeaouli Kamehameha III.'

I ke ku o Hinaialeele la hanau,
O ka hanau la no ia nei,
O ka hauhi la no ia nei,
Pupuu a oni la no ia nei,
A ene a pai la no ia nei,
O kolo Kalani.

O heokuku la 1. O ka'i'la 2. O hele la 3,
O noho iho ka 4, o uhola ka moena,
Ono i ka ai, ai paha Kalani? Ke ni nei;
I na no iluna kana ai e ai ai,
O ka hua walewale mea ono a Makalii,
O ke kalo ulu wehiwa lani,
O ulu wehiwa lani ka ni e ai ai,
Ai paha Kalani? Ke ni nei. Ono i ka i-a,
I na no iluna kana i-a e ai ai,
O ka i-a nui "Leleiaka,"
E kau ana i ke kohiana o ka po,
I ka mokuna o ka Pawa, ka huli ka i-a,
O ka i-a ia—Ai paha Kalani? Ke ai nei.
Ono i ka wai—I na no iluna kona wai e inu

O Ahu, o ke kiowai kapu ona, [a],
Oia wale no ke inu mai, oi'la'ku hoi kekahi,
O ke keiki Kuuliholiho a Kalani ma i hanau.
Inu paha Kalani? Ke inu nei, O holo i ka li-
I Kahika ke kapu noa ka ui-na, No—a, [ma,

A pili na moku,

Ka hoopilipilina o na moku e pili ai,
O Kaula, o Kamokupapa i ke kai la,
O kona lua no ia, o laua no ia,
Ka hoopilipilina o na moku e pili ai,
O Nihaui, o Lehua, o kona lua no ia, o laua
"Hookani Kauni o "Mano" kona lua, [no ia,
O Pipii, o momoe, o moe lea wale ka hia-
O pulu wale ke aka i ke aloha—e, [moe—e,
O ke kubi hao a ka waimaka—e,

A o ia e—e kulu ana,

A kula ka noe i Alakai—e, i ka lehua,

O ka pua ka'u mea i aloha—e,

Ua mohoie aku la i ka noe,

Aloha wale ka noe o Alakai—e—

A ui ke kapuna.—

"O huki kuemaka luku o ka la lena,

Ike ole i na pua kou o Lilikoi,

Ua lili wale ka ua i ka laau,

He pahi ia na ka ua ele malino,

Ioki i ka eka mu-o o ka hala,

Aui ka pua noho e e i ke ka,

Ahu ino i ka lu ia e ka makani,

Mo-ka i ke alanui o Hamakua—e

E aloha—e.

He kua o ka nwa la ia o maia, [hae,
Mama wale i ke aloha me ka hoka awa—la
Me he awa lena la ka lena o ke koolau,
Ka palena i ka la o ka Makalii,
Kahuli ae ke kino ouli hou,
Noho mai he lipo ka lau o ka palai,
He ke lua Kona i ka ua ia,
Naowao ka lau hibi ke kaunoa,
Kuu wela iho i ke oho o ke kukui,
O ke alanui mauka o Waiau—e,
E aloha—e.

E u ana no au i ke aloha,
I kuu mana no a o i pau—e,—hae.
Na KEAHOLAWAIA.
Aole i pau.

This article has been automatically clipped from the Ka Nupepa Kuokoa 7 April 1866, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).

Ka Nupepa Kuokoa, Volume V, Number 16, 21 April 1866 — No Kalani "Kauikeaouli Kamehameha III." [ARTICLE]

[Back](#)

No Kalani "Kauikeaouli Kamehameha III."

Nowai ke kupuna o "Ola" i Kalalau la, no-
wai la?

Heaha ka wahine o Kamakapu i ka pali la,
"kaua ua ike?"

O ka pa kuku a ka hoohua,

O ka hockina a ka puukohu;

Hsiki Puna paupauaho i ka makani.

O ka kahui o ka imo, hahau kahoi o ka pohu,

Ke uslo nei ke keiki ka lea makani o Kula-
huhu,

Ca pihā malamalamaiki ua nuānua i ke
Keolau.

Pau kakai olalo-e-pau ka makani,

Muli hope ka makani olalo la

Nowai la ka makani? No ia nei; aui ke
kupuna,

O Hoohali i Kaukini ka lawai mauu,

O ka hala ia o ka noe o Pokahi,

O ke kini hahae mau wale no ihuna,

Wili a ka nua o ka wai i ka pali,

Kunipai i ke alo 'ka A'la.

rie ona ka leo ke pane, o Kauhiki,

O Kahiki paha ?

O Poloula o Kawaomakalii la koolua laua,

O Kahiki ke kolu pili lakou, aole wale,

Aole paha e pili aku o Kahiki,

He o nahanaha ia ilalo,

Aia Poloula i ka lani, o Kawaomakalii,

He mau alii, he noho e laua, he oi Kalani,

Akahi no-apuniapuni-ahia alii i puni ai,

Mai Hawaii a Kahiki ku la ? Akahi no,

Ia Kalani Kauikeaouli ae nei no la,

Puni, nowai ia puni la ? No ia nei,

Me he mau opua kai oni la i ke kai ke pili,

Pili mai pili me Kalahikiola,

Haha ia no i ke kula o Moolau,

I na iho i ka nahele o Hihi—u—aue—e,

A hihii no la oe o aha ina,

Owai la ke puni aku ia oe,

Mai hihia au i ka upena a ka leo—umi—e,

O ka leo o ka laau o Waimea,

Oloalu ka laau wa i Mahiki,

Ke ikua la i Puuomoeawa ke le—i

Lei ka huakai hele a Waihaka,

Ka'u mea haule i Hakawa-i, aue—e,

Haka kau ohe na maka i ka nana,

I ka ninau mai e owai keia,

Owai hoi keia o ke kua pehu-umi—e.

(Aole i pau.)

result, it may not look exactly as it did on the original page. The article can be seen in its original form in the [page view](#).



Ka Nupepa Kuokoa, Volume V, Number 20, 19 May 1866 — No Kalani "Kauikeaouli Kamehameha III." [ARTICLE]

[Back](#)

No Kalani "Kauikeaouli Kamehameha III."

A o ka o a ka po, a kahi ka puu one he mo-
Hoowaa ia'ku ka manawa ia Kukehu, [ku,
Okia ka opu o ke kuahiwi,
Kabaia mai ana ua moku,
O hulihia ke alo ia luna,
Iluna ke alo o ka aina,
O ke au ke na i hana e,
O ka moku ia Hanuhana,
O Kauai, o Kauai paha?
O Ualoku ia luna o Kawakapu o Laubeala,
Koolua laua o Kauai ke kolu,
Pili lakou, aole wale,
Aole paha e pili aku o Kauai,
He oninana ia ilalo,
Aia o Ualoku iluna,
O Kawakapu o Laubeala,
He mau alii, he noho e laua,
He oi Kalani, akahi no a puni a puni,
Ahia alii i puni ai mai Hawaii a Kauai la,
Akahi no ia Kalani Kauikeaouli,
Wale ae nei no la—puni,
Nowai ia puni la? No ia nei.

Mehe pua Iwaiwa la keoho o ke ki,
Ka la-u, ka lau ki hulu o ia e ka makani,
Hele a liko ula kalama i ka pali,
Pali kuanalua aia i o Hai, aue—e,
O ko haina mai nei no ia'u,
Laha hoi oe i hoole ibo ai,
Ei ae hoi ke haina mai la—umi—e,
Aia i Poakahi ka liko wahi,
Ua lanipo i ka ua a Kamanaino ka—noe,
Ka nonoe ua noenoe i ka laau,
Ka noe uwahi o luna o Pokahi,
Aloha wale ia manu hei i ka uahi, au—e,
He wahi ola na he uahi ai pu,
Nawai e ola ka ai na ia ole,
E ai aku ana auhea e hiki aku,—umi—e.
A noho ka Waa a pale ke kahuna,
A ku i ka pule o Hauhau hanuu,
O Maanuulani ke kahuna,
E pale ka honua e nuu e lena,
O ka pouno ua hala wale,
O ka pule uli a ke kahuna,
Palea ia Halaaniani,
Hala ia hala ma Hiikua,
E maieli kalani e kupu,
E kupu Kalani e maieli,
E ku i ka lolo o ka moku Oahu,
Aole na la he moku, he aina na ua lilo,
Ua hohia ke one iluna,
Ua lele ka lehu i ka moana,
Aole e kala i lilo ai,
Ia Kalaninohelakalan lanakila

ia kaiahaiahaiahaiahaiahaiahaia,
Oahu papa ? O ka uila ia luna,
O Kahakili o Hawewelani koolua laua,
Oahu ke kolu, pili lakou, aole wale,
Aole paha e pili aku Oahu,
He onahanaha ia ilalo,
Aia Kauila ia luna,
O Kahakili o Hawewelani,
He mau alii he noho e laua,
He oi Kalani akahi no.
A puni a puni, ahia alii i puni ai ?
Mai Hawaii, a Oahu la ? Akahi no,
Ia Kalani Kauikeaouli,
Wale ae nei no la puni,
Nowai ia puni la ? No ia nei.

(Aole i mau.)

This article has been automatically clipped from the Ka Nupepa Kuokoa 19 May 1866, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).